

光緒癸巳年 桂月 四 楊清珊 鑄 刻
川 刷 印

盧氏縣志

樓峯郭光澍霖三氏編次

重修盧氏縣誌板存華原書院

續修盧氏縣志敘

康熙壬寅邑令任允升始創修盧氏誌
今修從重修於康熙甲戌李令建中重修
於乾隆丁卯前後未及百年經營業已三
次而風流雲散缺畧仍多迨於今又一百
四十四年矣烽煙屢起饑饉薦臻欲令考
獻徵文補苴罅漏恐用力多而成功少難
莫難於此也余自下車伊始時以修舉廢
墜為心維書院之興為急邑乘一書尚有

盧氏縣誌



一

志而未逮然上欲備廊廟輔軒之採下欲
悉民生利病之源非於舊誌增加之將年
湮代遠聞見日稀事實所存草木同朽未
免蹈固陋之譏且耕莘古地熊洛鍾靈生
其間者往往多奇人傑士而官師之仁心
善政歷代尤卓有可傳向令明季以前
乘仍在取而讀之當更為土地人民生色
不僅如任謝李三君所誌云云也惜乎求
之而不可得即三君所誌板亦燬於賊氛



所餘斷簡殘編字跡幾沒滅不可識則今日之續修其得已乎哉夫各邑誌書體例不同而要以若網在綱有條不紊為可貴前令李君重輯時蒙州憲蘭陵龔公發付洛陽縣誌全部復頒道憲京江張公誌規八則其法甚為簡明茲為續修之計仍各歸各門不復另發凡起例存舊續式先型也但綜古核今宜具卓識廣採約取宜具精心予以業續闡莫成盛舉貽譏蚊負所

盧氏縣誌

二

不遑辭惟望二三同志闕疑殆去偏私頌長吏勿諛傳先達勿侈紀名勝勿煩瑣摭文詞勿浮蕪分星野考因革勿混淆傳會褒貶務存公道竄改勿任潛加庶幾為一邑之成書即可為百年之信史循名責實繆妄胥捐是則區區之所日夜圖維而不少寬假者也事經十旬規模粗定至各鄉採訪別有見聞倘蒙陸續送局以備彙登余尤有厚幸焉爰撮其大畧為之敘

光緒十七年南宮紫垣氏韓炬撰於樂州
官廨

盧氏縣誌

三

續修盧氏縣誌序

邑有誌邑之史也史須直筆須才學識余謂才學尚已識尤扼要焉往嘗請某邑誌及其郡誌或失之冗或失之略甚至人物官師二誌或以私恩聲價凡舉或以夙譽埋沒珠璣其識庸故其筆曲而其才與學可想矣余不敏承乏於盧至之日登陣周覽見夫羣山環繞洛水中流氣象萬千誠豫西形勝地也嗣閱邑乘則鄉賢名宦孝

盧氏縣誌

序

一

子忠臣幽人貞婦後先相輝映地靈人傑不虛哉况夫大禹導洛所經伊尹樂道所處孔子傳道所至神聖曾往來其間乎粵稽邑乘之修自康熙壬寅歲始嗣重修於康熙甲戌又重修於乾隆丁卯雖任謝李三君先後蒐輯不遺餘力而仍多闕漏况至今又百四十餘年屢經兵燹事實未登記室其荒略弗傳者何可勝道前邑令韓紫垣以光緒戊子宰此既興書院復延禮

邑紳議重輯舊誌以續成一邑大觀惜甫
脫稿而遽作古人余履任後求舊誌而不
可得及得之遺編斷簡字迹且多沒滅詢
悉續修之誌已彙輯成編行將付梓余取
而讀之蒐羅廣徵載備取事確立言審其
所以寓褒貶而示來茲者將於是在昔
王阮亭先生曰近世誌書能文簡事覈訓
詞爾雅莫如康對山之武功誌茲其近之
抑余更惴惴焉滋懼者前此令紳士自唐
迄今某也賢某也否某也只記姓名某也
於地方為何若其中之美刺千百載如在
目前計任事于茲卅旬間曾無修舉方隕
越是慮其何以上不負

朝廷與長官下不負民生與所學也今年又適
奉 上憲續修新誌之檄既促令邦人士
付刊復把卷流連於斷制之嚴見其才於
考覈之精見其學而其仍前李公遵洛誌
程式不掠美於前人尤服韓公之識為不

可及直筆不當如是耶至余獲觀厥成僅
略事讐校而已於誌之增修曾何力之有
焉是為敘

光緒十八年壬辰歲嘉平月樓峯郭光澍
霖三氏撰於華署之退思堂

續修盧氏縣誌序

古莘處豫省西陲水秀山靈聞人輩出予以光緒辛巳司鐸斯邦屢欲借閱誌書以窺邑中之名勝而編殘簡斷完璧無存蓋自乾隆戊辰以迄於今一百四十餘年舊乘之失傳者久矣去歲韓紫垣明府思為重修之舉令及門諸生極力採訪乃未及歲事作記玉樓其嗣君整理遺書又並携草藁以去幸

盧氏縣誌

序

一

霖翁郭老父臺以今春三月接鈐視事念前任之未畢厥志也重新採輯歷數月而成編予因分任校讐熊洛之所鍾毓得以備覽竊嘆政治之得失彰人文之盛衰見民物之利病昭上足以備採於輜軒下可以垂型於里巷美哉斯舉非直盧民感戴不能忘韓公有靈冥冥中當亦有深為首肯者矣且盧誌之修已三次惟最後襄事之人若莫耀孫明從兩孝廉新維新王之

璧兩副貢賈來宣周肇基兩歲選與廩生
劉用羽馮世佃增生張恕監生王柱等名
尚可稽前此則編訂者何人分修者某氏
風流雲散渺矣無傳茲值將付棗梨諸凡
更始因為述其大畧亦不沒人善之意云
爾

光緒十八年壬辰嘉平月教諭劉棟標題
於首膏齋

盧氏縣誌

序

二

續修盧氏縣誌跋

盧雖叢爾微區大禹導洛自熊耳伊尹樂道處莘原孔子傳道燕居至沙窩川文峪時當三代神聖已往來於其間而號仲以派出天潢又分封此地則與林深地僻渺無居人者不同乃秦漢唐宋以來傳聞殊屬寥寥豈才疏德薄無一人可永久流芳與邑乘之不修知埋沒於荒煙蔓草間者不少矣前邑侯韓紫垣先生以光緒戊

盧氏縣誌

序

一

子宰盧懲貪除暴四境賴以又安又延禮邑紳諭以邑乘殘缺當協力採訪為重修計乃未及成書而積勞病故幸我霖翁郭仁憲蒞任本寬仁之度存利濟之心保赤誠求刑清政簡念前任有未畢之緒當代為成就也於是因課試生童之際又諄諄然以修邑誌為言夫邑誌之當修久矣明季以前板成灰燼求其單詞隻字渺然無存康熙及乾隆初年前憲任謝李諸

公或創或因三番修理區區下邑始得有誌書然政治文章節廉孝義爾時雖極力蒐輯缺漏仍多况今又百四十餘年兼遭兵燹一旦為重修之計重修豈易言者哉顧獨念此時不修則日後有更難為力者竊嘗追維盛治眷念前徽如吳公之築東堤黃公之設義學功德及於民物姓僅存而名不彰甚或逐任遞推姓名俱湮沒不可考其間豈無歌樂只號循良據事直書

盧氏縣誌

序

二

足以光昭史冊者乃求之而多不可得宰斯邑者如是則生斯邑長斯邑者可知矣後之視今猶今之視昔留心世道者其可以簡陋自安馬否耶維時十里生童已自備資斧於各鄉各鎮遍加採訪矣旭亦因以簡遺文詢耆舊至附近各祠宇觀斷碣殘碑見見聞聞幾經慎審遂合諸同人所採訪彙輯成編敬呈 仁憲斧正垂芳垂於勿替發潛德之幽光不至埋沒於荒煙

蔓草間者俱於 仁憲乎是賴其有德行
卓越當傳未傳之人統容查補於將來非
一時所能遍及也若夫依照舊規不另立
門戶已詳韓憲誌序中茲不復贅
光緒十八年壬辰桂月治愚晚李旭春頓
首拜撰

盧氏縣志李序

蓋物以積久而盛事以歷久而傳世以隆當重熙累洽之餘其澆墮涵沓者既則披拂發揚者益茂物華滋而生事繁凡在郡國筆而紀之各彙成書昭示來茲以著盛美之休為太平之潤色即下邑未吏固罔敢以因陋就簡從事也則近日之誌是已夫郡邑之有誌非徒辨疆域攷山川也凡兵農禮樂胥於是乎記而物產有豐

盧氏縣志

序

一

耗人事有興廢政治有得失風俗有澆純消長異時今昔異勢將使牧其土者酌量於升降之際變通乎神明之間則惟誌之明備徵信展卷歷歷而後四郊情狀畢萃庭墀萬姓隱瘼籌諸掌握是誌之當續修也所係豈淺鮮哉盧自前季寇亂數遭兵火不特人煙息絕即斷簡殘編亦成煨燼以故舊誌無存迨

國朝蕩平區宇康熙元年任令首事纂修文

皇上纘承休緒恢

列聖之宏模邁百年之景運湛恩汪濊厚德瀰淪
凡山陬海澨民樂其業官守其箴綱舉目
張型仁興讓則物產有豐而無耗也人事
有興而無廢也政治美而風俗純也太和
之氣翔洽中天履其盛者將大書特書而

盧氏縣誌

序

二

不一書也於是統誌既已列布而郡邑誌
冊亦俱奉

檄纂修余粵西下士任盧半載值此重委
夙夜凜惶念盧之舊誌既已灰滅前雖兩
加修補絕未詳備今縱欲收集遺亡而自
維寡陋每悵靡及幸

道憲京江張公

州憲蘭陵龔公皆推博物宏覽學老文鉅預
發誌規典型足式余因敦聘明經秉筆並

設館餼延邑之紳士廣為摭括而邑人生當

盛世霑濡洪深又

各憲勤宣德意與之休息故閭閻皆得寬然有餘俯仰佚樂逢此鉅典悉思表暴幽隱增美粉榆競出藏冊投供採擇或履陟陟巖墟莽殘碣間苟有昔賢遺跡亦必拂拭而出之共耀光明日積遂多猶不敢妄為臆入務求謹嚴不支不漏與

盧氏縣誌

三

憲規允合然後登冊三月完稿迺呈

憲裁其亦幾經詳慎矣蓋邦紀既修則治體乃立往跡燦著而藉鏡有資後之覽者其於物產人事政治風俗之際所以驗豐耗覘興廢考得失徵純澆按籍而稽固不啻燭照而數計也夫盧當省之西陲僻處深山民生不見外事樸厚純良上而荷

聖朝之長養下而感

各憲之撫循從風向化在在可誌且能於文

湮獻替之後羣才合志共探幽隱成一邑之典章佐太平之官禮孰非

聖世功德之隆積累之久以馴致於斯與則誌之成也未吏亦幸遭昇隆之慶藉手以殫厥心焉已矣

乾隆十二年五月下浣知盧氏縣陸川李焯撰

盧氏縣舊誌謝序

邑令謝廷爵曰郡邑之有志猶國家之有

盧氏縣誌

四

史也

今天子欽命內臣纂修

三朝國史廣取天下賦役河渠各項條例因革

損益載入編內不厭精詳愈知若郡若邑之誌宜急修而不可廢也盧自寇燹之後人民逃竄田野蕪蕪文籍俱焚老成凋謝舊誌久已不復存矣幸冀北任令集諸紳士各出已見彙成一書雖簡樸少文而典型猶在爵不敏已己秋來撫是邑見風俗

之奔鄙地利之瘠薄士民衣食之粗糲形容之枯槁真有目不忍擊者凡有關於國計民生罔不為之經營籌畫其間政事之宜因仍典禮之宜復舊者每一考之志紀非荒畧難稽即亥豕莫辨未免有不純不備之憾馮以故修誌之舉時存胸臆忽值前

大中丞閣 開府中州首修省誌復飭各屬重加增輯爵捧檄欣然隨鳩紳士於庭

盧氏縣誌

序

五

延歲薦理學斯君以司纂續爵不揣固陋亦偕 杜雷諸君論定之逾三月而草創成時

郡伯汪 以木天重望

特簡宏農於案牘之暇親為披閱俾得刪繁就簡潤色加詳質之

中丞當蒙許可祇以疊罹災祲日事彌縫未獲付梓今幸歲時稍稔復荷

大中丞顧 將通省漕糈親行辦運兼之